

Le livre des présaiges previsions ou prenostiques de divin & maitres des médecin
Hippocras de Lisle : dicte cos divise en trois parties ou particules
Trad. du latin en français par M. Pierre Verney de Semur en l'Auxois,...
Non paginé [37 p.]
Ed. de [S.l.] : Jehan Monsnier, 1539
Verney, Pierre (14..-15.. ; médecin). Traducteur
CF. BNF Notice nfi : FRBNF37246257

Handwritten text, likely bleed-through from the reverse side of the page. The text is extremely faint and illegible due to the quality of the scan. It appears to be a list or a series of entries, possibly containing names and dates, but the specific details cannot be discerned.

E M A N V E L.

Le liure des Pre-

saiges Preuisions ou Prenoistiques du Diuin & Maistres des Medicens Hyppocras de Lisle dicte Cos diuise en trois parties ou particules. Translate de Latin en Francois. Par M. Pierre Verney de Semur en Lauxois professeur en Medicine & Astro phile concordant les trois translations & cōment de Glaude Galien.



Itē la protestation promesse & iuremēt dudiēt Hyppocras quil faisoit aussi faire a ses Escoliers. Dont est faicte mention en sa legende. Precedente lediēt iurement.

Le tout translate par lediēt M. Pierre.

On les vent a Lyon en la Maison de
Iehan Monfnier en Rue
Merciere.

M. D. XXXIX.

Emanuel.

Prelude de la vie du Diuin Hyppocras.

Hippocras fut filz de Eraclides cōme tesmoigne Galien au premier liure du regime des maladiez aguez cōbien que aucuns disent q̄ fut filz de Asclepius. Et fut engendre & ne en lisle dicte Cos: & eut pour re-
cteur & maistre le grand Pithagoras. Quant a sa pro-
prieté naturelle auoit en ayne horreur & abomination
toutes pompes & uoluptes mondaines & uenerieques
charnalites, & ses disciples contraignoit par iurement
de estre taciturnes & de garder silence aussi modeste &
mansuetude ou humilite tant en meurs que habitz & ce
tesmoingne saint Hierome. Et restaura la science de
Medicine perdue pres de cinq cens ans assauoir de puis
Esculapius. Ledict Hyppocras fut petit de corps & sta-
ture mais beau & elegant de forme & auoit bonne &
puissante teste & marchoit tardiument & tout beau
fort pensif & cogitabunt de peu de paroles & tardiue
& nestoit grād mēgeur ni gormāt: Et uesquit x c v. ans
& son dicton estoit tel souuēt et sentēce auree assauoir:
Qui ueult uiure en liberte, ne desire ce q̄ ne peut auoir:
Et qui ueult auoir ce que desire & couuoite: Desire tāt
seulement ce que peut auoir. Dauantaige qui ueult ui-
ure pacifiquement en ceste uie mortelle. Soit faicte sem-
blable a celuy qui est inuite a ung conuiue & banquet
lequel rend graces de tout ce que lon met deuant luy,
& ne murmure des deffaultz & omisions. Et fut du
temps de Eliachim de Malachias prophete de Zeno &
Socrates.

Cos est vne
Isle en la
mer egioti-
que vne des
sept Cyclades
pres de
Rhode ou
croist tres
bon vin.

Mot dore
de Hyppo-
cras.

Plus de qua-
tre cens ans
auant Iesu
Christ.

Pries pour luy: & pour moy.



Emanuel.
LA PROTESTATION ET
 Iurement du Diuin & Maistre des
 Medicins Hyppocras.

En lisle cos
 estoit vng
 temple de-
 die a Escula-
 pius.



LE Hyppocras protestes iure & fais pro-
 messe au grand Dieu Apollo ou Apollin
 & a Esculapius & a ses deux filles assa-
 uoir Hygine & Panacie: dauantaige a tous
 Dieux & Deesses. Au mieulx que me sera possible &
 tant que mon esperit pourra & entendement de obser-
 uer le contenu de ce iurement ou tablettes es quelles est
 insculpee graue ou escript ledict iuremēt. Assauoir q̄ ie
 me rendz obligē tributaire et debteur au precepteur et
 docteur qui ma enseigne & monstre ceste science &
 doctrine: non moings mais autant ou plus que au pere
 qui ma engendre: & debuoir avec luy uiure & commu-
 niquer & suruenir en toutes les necessites que con-
 gnoistray luy auoir autant que ma force pourroit auoir
 & biens se pourront estādre: Aussi que auray en amour
 & charite ses enfans comme mes freres & sa progenie
 comme la mienne. Dauantaige que ie enseigneray de-
 monstreray & endoctrineray la dicte science gratis
 sans pris ni paction: Et que donneres tous les canons
 regles & preceptes sans rien cacher ou celer liberales-
 ment & fidelement aux enfans de nostredict maistre
 comme aux miens propres. Et a tous aultres disciples
 lesquels auront ou uoudront faire tel serment & iure-
 ment & non a aultres. En oultre que en practiquant
 & usant de ma science enuers les malades useray seu-
 lement

Item de choses necessaires autant que me sera possible
et que mon esperit et entendement se pourra estan-
dre et que le plus tost que pourray et le plus briefue-
ment sans dilater ni retarder la maladie guariray les
malades. Et que ne ferez chose contre droit par ayme
courroux iniure ou mal talent a personne que soit da-
uantaige que ne donneray poison : ne conseilleray ou
aprenderay a nulli le poison ni la maniere : aussi que ne
bailleray ou feray bailler ne consentires estre donnee
chose a femme pregnante ou ensaincte pour tuer ou
faire uider le fruiet: Mais proteste de garder ma uie
et ma science purement nettement et inuiolablement
sans tromper defrauder ou faire tort a personne et
que ne tailleray ou inciseray personne ayant la pierre
mais laisseray la cure aux experetz de ce: Et dauantaige
prometz que ne entreray en maison de malade si non
en intention de le guerir, et que patiemment souffre-
ray des malades iniures abominations et uomissements
et toutes aultres pouuretes et que euitray de mon
pouuoir toute chose uenereique.

Item soit homme soit femme maistre ou seruiteur
riche ou poure entre mes mains pour guerir de toutes
choses que pourray ueoir ou ouyr soit en la cure ou en
meurs et que sera bon de celer et taire nen ouuriray
ma bouche, mais intemeraire taciturnite garderay et
a creature ne reueleray pour mourir. Et pource ie prie
a nous Dieux que a moy ceste protestation promesse
et iurement obseruant integralement et inuiolable-
ment que toutes choses en ma uie et en mon art et

Science fausement salubrement et bonement aduegnēt:
Ci demon- & en la fin gloire eternelle. Et a celuy qui contreuen-
stre Hippo- dra transgressera & sera perius tout le con-
cras lame dra traire luy aduegne assauoir infelicite
raisonnable improsperte malencontre.
estre ppetu Et malediction
elle & lieu eternelle.
de beatitu-
de & de pei
ne infinie.

Ci Finit la Protestation & Iurement du Diuin
Hyppocras. Aussi ie M. Pierre promes au grand
Dieu Omnipotent & Eternel obserues a mon
pouuoir.

Emanuel.

LE PREMIER LIVRE OV

particule des Presaiges Preuisions ou pronostiques du diuin & Maistre des Medicens Hyppocras.

Et premierement le Prologue



CHACVN Medicin desirât par sa science gloire & hōneur acquerre, Aussi amour profit et bruit laboreur de soy monstrer scauent expert & prudent. Et ce en adnōcant aux malades les accidentz preteritz presentz et futurs de leurs maladies, & declarant, choses omises par iceulz malades & aduertissant a memoire choses obliez : quoy congnoissant plus ardimēt se mettront entre ses mains & estimantz qu'il a totale cōgnoissance de toutes maladies & que bien tost gueriz serōt. Ce que est uray car ayant congnoissance telle des choses preterites & futures peult plus facilement remedier aux maladies: Combien quil soit impossible au Medicin de restitues la sante & gueriz tous malades, ce seroit chose plus grande que predire les accidentz futurs. Car aduient aucunesfois que malades mourent par la uiolēce & malignite de la maladie auant que le Medecin soit appelle aucuns mourent tost apres que le Medicin est arriue le iour mesme: Aussi ung ou deux iours apres auant que par sa science & diligēce puisse corriger et tollir le peril & telz terribles accidentz. Par quoy se doibt exercer & efforcer de congnoistre la nature &

G A L.

Pronostiqs
cōbien que
soit chose
plus diuine
q humaine
toutesfoys
elle cause
hōneur, pfit
ayde a cui-
ter diffame
ou blasme.

A ← peruer

peruerfite de telles infirmités: aufi la uertu du malade
affin de eüter calumnie opprobres & reproches.

G A L.
le dis ardi-
ment & nō
temeraire -
ment q̄ Hip
pocras p̄ ce
mot celeſte
veult eſtre
entēdu laer
nous enui-
ronnant &
circundant:
pourcele
ainſi trāsla-
te comme
voyes.

Ce quil fera & ſe monſtrera admirable & plus di-
uin que humain predifant la mort a lung: la ſante a lau-
tre ayant aufi eſgart a la qualite bonte & malignite de
lair tant particulier affauoir celui qui eſt, circundant le
malade quem luniuerſel: & le temps en ſes qualites &
lan aufi les bons et mauuais aſpectz des corps celeſtes:
ce preuoyant eüter a deſhonneur & acquerra bruit
& amys.

Ci cōmence a Prefagier par ſignes de la face.

OR donques pour bien predire preuoir ou pre-
ſagier ſignamment en maladiez perilleuſes &
aguez. Eſt requis de conſiderer & ſpeculer la face du
malade: Premieremēt affauoir ſi elle eſt telle que en ſante
ou que peu ſen fault. Et ſi ainſi eſt pourra le Medicin
en auoir bon preſaige & eſtimation ſalubre. Mais aufi
ſi elle eſt grandement differente & changee comme ſen
ſuit eſtimera peril & danger de mort. Quant le nez
& narinez ſont aguez & extenuēz par icelle maladie:
Et les yeulz enchaues & concaues, & les timplēs affa-
uoir les partiez entre les aureilles et front ſont deſchar-
neez: Et la peau du front eſt dure ſeiche & tendue, &
les aureilles froides et reſtraictes ou quaſi renuerſeez,
et toute la face apert noire paſſe liuide ou plombeuſe et
grandement difforme a celle du temps de ſante.

Quant les choſes predictes apparent en la face ou la
plus part au cōmencement: ou premiers iour de la mala-
die ſault ſoy enquerre (ſi par autre indicc lō ne peult)

ſi pre

Si preuiegneunt peult par trop ueiller assauoir que na
 eu temps ni opportunité de dormir, ou quil a eu flux
 de uentre naturel, ou les dictes choses sont aduenuez par
 famine: car si ainsi estoit lon ne doibt craindre de peril.
 A l'opposite si telle a face precede & perseuere & le
 patient dise que les dictes choses ne aduiegnēt par uigile
 flux de uentre ni par famine le Medicin peult assure-
 ment preciner & presagier mort prochaine. Et si la ma-
 ladie ia auroit dure trois ou quatre iours apres auoir
 considere ce que dessus: qui specule par aultres signes
 comme des yeulx & aultres parties du corps.

G A L.
 Tu doibtz
 entēdre de
 to^o flux su-
 perfluz cō-
 me de sang
 p^r narines: p
 saignée par
 matrice par
 playez, ou
 emoroides.

Les signes par les yeulx & leures.

CAR si les yeulx ne peuuent ueoir le iours ou clarte
 & larmoyent ou plourēt cōtre nature et malgre
 le personnage: aussi quant semble q̄ uellent sortir hors
 de la teste, ou que lung est euidemment amoindri et di-
 minuc, ou q̄ le blanc des yeulx est rouge et apparouissant
 ueines rouges ou liuides, ou q̄ sont lippeux et chassieux
 ou tremblātz & fort mobiles, ou enfonces et perfondz.
 Aussi quant le malade deuiet loche et regarde de tra-
 uers & a terrible regard & oscure: et quil a la face touz
 te contrefaictē et espouentable. Tous ces signes ci sont
 pernicious & mortelz. Dauantaige quant le patient
 dōrt quasi les yeulx ouuers & na ce de costume & le
 blanc des yeulx se monstre seulement les paulpieres en-
 treclofes & ce nauient par flux de uentre, ou par medi-
 cine sollutiue ce est signe de mort. Item quant les
 paulpieres aussi les leures, ou babines & le nez semblēt

A s estre

estre tortuez ou renuersez aussi mortifiez ou liuides ces signes avec les precedentz iugent le malade a mort.

Item quant les leures sont descharneez pendentes froides & pallez contre la nature du malade pourra le Medicin presagier et prenostiquer la mort prochaine.

De la maniere de Gesir ou Coucher.

Quant au coucher cest tres bon signe quant le patient repose & dort sus le coste dextre ou senestre a son aise les mains sur son estomach ou ailleurs non roides ne les iambes aussi mais flexibles & gesir come en sante est singuliere. Car gesir le col les mains & piedz roides et estanduz non flexibles nest louable ne bon. Item quant le malade se torne uire renuerse souuent en sursault en ueillant ou dormât: & des piedz du liêt fait le cheuel se deiectant & ne scay qui fait est mauuais signe. Dauantaige si se descouure souuent nayant grande chaleur aux extremités et que deiecte ses bras iambes piedz & teste tâtost sça tâtost la signe que le malade est en grosse angoisse & detresse.

Item est pernicious signe dormir la bouche ouuerte contre nature. Aussi dormir la face en hault ayant les iambes entrelassez & entortillez quasi comme chordes et ce par la force et uolence de la maladie est mauuais signe, ou aussi contre raison fort eslargiez.

Item celuy qui contre nature et non de costume dort le uentre en bas contre le liêt ferre: note et signifie permutation dentendement et alienation ou grosse raige et douleur de uentre. Dauantaige quiconque au iour de
cretio

cretication et force de la maladie se contrainct et efforce de soy liener et tenir droit et nest pacifique se met en dâger et est mauuais signes en toutes aguez & grosses maladies: mais pire en pulmoniques passions.

Des signes par les Dentz.

Quant lon crinse les dentz (non point cōme ung homme qui a grosse froidure mais par collizion) En la fiebure & que lon ne la de ieunesse ou de costume ce signifie tremblemēt desperit & de raison aussi mort. Et si tantost est defraisonne & aliene signifie mort prochaine.

Du signe de mort par vlcere.

Suruiuent au malade vlcere antrax ou charbon foyt qui precede la maladie ou que uiegne quant a la maladie. Si lulcere deseiche et deuiegne uert liuide ou noir & apercois le malade empires pourras prenostiquer mort prochaine.

Des signes par les Mains.

Quant le febricitant de fiebure aguez ou en maladie du poulmon dicte peripneumonie ou en frenesie bastarde & non uraye, ou ex grosse douleur de chef cherche ca & la en hault en bas & sur le liēt cōme poilz et cheueulx de la face aussi plumes ou ordures des couuertes aussi paille festus & aulre chose pēse prendre contre les paroirs & murs sont tout signes mortelz.

Les fi

Les signes par Laleine, ou Aspiration.

Laleine ou respiration frequente signifie douleurs ou inflammation & ardeurs aux membres spirituelz comme du cueur & poulmon: Mais quant elle est grande & rare quil y a grande espace entre les respirations signifie alienation dentendement & de raison, & quant lalaine sort de la bouche et des narinez fort froide note gros perilz & mort. Mais la facile aspiration et respiration en ague maladie la fiebure concomitante & iointe est signe salutaire: en celles qui se terminent dedans quarante iours.

Prenostique par la Sueur.

La salubre louable & bone sueur en toute maladie ague est celle qui uient en iour de cretication ou iudiciaire et signamment quant est uniuersale & le patient sen trouue allege & plus fort. Et si nauient aux dictz iours & ne soit uniuersale nest bon signe: mais la mortelle sueur est particuliere & froide come au front seulement chef ou face: & ce en fiebure ague & en autre maladie denote diurnite et prolixite de maladie.

Du Coste droit & Gauche.

Quant le patient ne sent aucune douleur tumeur durte ou inflammation soubz les costes est bon signe & que lung de cottes est aussi mol que lautre sans douleur. A lapposite sil y a douleur tumeur durte ou inflam

inflammation es deux cottes, ou en lung plus que en l'autre lon peult suspiquer mal. Car si lon sent grant debaitement ou pulsation en lung des cottes lon peult pronostiquer grosse detresse & douleur ou alienation et permixtion de raison. Et si avec ceste pulsation les yeulz sont fort mobiles le patient est en danger de raige & deuenir enraige ou demoniacle ou de soy destruire.

Des signes par Apostumes soubz les costes.

LA collection ou apostume en ague maladie soubz les deux cottes avec tumeur & douleur est plus dangereuse que soubz lung des cottes seules & precipuement moins perilleuse soubz le cote gauche que soubz le dextre. Et si le patient ne meurs es premiers iours & que dure iusque a xx. iours & la fiebure ne cesse ni lapostume diminue cest signe qui uendra a maturation: Et sil aduient au vii. iours ou enuiron flux de sang par le nez ce allege bonnement: Ce pourra pronostiquer le Medicin quant le patient dict que le front luy fait mal ou chef et a les yeulx calligineux, & chassieux & precipuement quant le patient ne passe xxx. ou xxxv. ans. Et quant la collection ou apostume est molle et sans douleur & se meut ou uarie quant on touche sus elle mest plus long tēps a guerir que la precedete: mais nest si dangereuse. Et si elle dure & perseuere iusques a lx. iours & la fiebure ne cesse ni la tumeur diminue elle uendra a maturation & purgation autant en pronostiqueras des apostumes du uentre. Lapostume donques grandes dure avec grosse douleur est dangereuse & mor

G A L.
Car le foye est au droit cote & la ratte au senestre par quoy est pire au dextre.

G A L.
Les nouueaux Medecins lapellent vndimie & zimie.

Et mortelle la molle et sans douleur et uoluble de lieu en aultre est plus tardiue mais sans cōparaison moins dangereuse.

Des Apostumes du bas ventre.

Les apostumes du uentre iamais ne deuiennent si grandes ne si grosses que celles qui se congregent soubz les choses ou dyaphragme : Et encores moindres sont celles que se congregent soubz le lombriil et peu souuent uiegnent a suppuration ou putrefaction: Mais cest bon signe quant se purgent par flux de sang de la narine de la part de lapostume.

Item toutes telles apostumes par diurne de temps et a la fin pourroint paruenir a putrefaction et purgation par la maniere qui sensuit.

Il est donque conuenable de considerer que les prenommees collections ou apostumes par diuerses manieres uiegnent a putrefaction et purgation. Car les unes se purgent par dehors totalement. Et sont petites rondes et aguez ou piramidales icelles sont les plus salubres et moins letales, Les larges grosses et plates spacieuses et non rondes ni aguez dangereuses. Et celles qui se creuent et purgent par dedans le uentre combien que aucunement facent tumeurs par dehors sont pernicieuses et dangereuses plus que celles que ne sont eminance par dehors : et que la peau ne descoloree.

Quelle

Quelle doit estre la matiere que sort
des Apostumes.

LA saniosite & matiere que sort des apostumes
blanche totalement & non de diuerses couleurs
& non puante est louable & salubre. Celle que
est autrement de tant plus quelle est diffe-
rente a la blanche de tant est
elle plus uitieuse &
mauluaise.

Cy finit la premiere particule des Presaiges
du Diuin Hyppocras.

Emanuel.

LE SECOND LIVRE OV
particule des Prefaiges Preuifions, ou
prenotiques du diuin & maistre
des Medicins Hippocras.

Et premierement de Hydropisie.

TOUTE maniere de hydropisie avec ma-
ladie aque est perileuse & letale car le pa-
tient est afflige & modeste par fiebure ue-
hement et angouisseuse douleur: par quoy
meurt. Ceste maladie souuent aduient par passion epa-
tique que est maladie du foye: Aussi suruiuent des passios
intestinales boyaulx & antrailles, & ueines mezerai-
ques ou parties infernalles & ratte. Celle que uient des
antraille: ou mezeraiques & inferieures parties est cõ-
gnue par inflation des piedz & flux de uentre diurne
& long: neantmoings les douleurs ne sont pacifiez ou
appaifeez du uentre ne le uentre desanfle ni a moindri.
Celle que preuient du foye est congnue par signes se-
quentz assauoir: le patient a une toux seiche & quasi
ne crache rien & a le uentre dur & serre tellemēt que
ne sort rien de son uentre si non a grosse peine & tra-
uail aussi a les piedz enfles: dauantaige sont tumeurs &
inflation maintenant au coste droit tantost au senestre
puis se departent & euannuez cest a dire que uont &
ueignent.

G A L.
Lapostuma-
tion & en-
flure des
piedz est ge-
nerale a tou-
tes hydro-
pises.

Les si

Les signes de vie & de mort en
maladiez aguez.

Quant le patiēt a la teste froide les mains & piedz
froids & que le uentre & costes sont ardentz &
boulantz cest signe de mauuaise maladie & perilleuse.
Mais quant le malade facilement se retourne de coste
a aultre & sans moleste : aussi quant tout le corps est
esgallement chault & suauē est signe de salubrite &
securite. A l'opposite quant tous les membres sont pe-
santz comme bras iambes & tout le corps est a crain-
dre. Et si avec ce les ungles sont liuides ou plumbeux
lon peut prenoſtiquer mort uicine. Et si les ungles
doitz & piedz sont totalement noirs nest signe si dan-
gereux signamment quāt apparoiſſent aucuns bons si-
gne comme si le patient ne sent grosse douleurs & le-
gierement porte & souffre son mal sans angoiſſe tou-
tesfoys ce que est noir tombera & le mal se euacuera
par apostume.

Signes prins des Genitoire & Verges.

Quant les genitoires & uerges uirille sont re-
ſtraictz & apparemment diminuees contre na-
ture est signe de grosse douleur & mort ſequente.

Signe prins par le dormir & ſomme.

Quant au dormir & ſommeil lung est naturel &
ſalubre lautre innaturel & uitieux. Le naturel
se fait

Se fait de nuit, & ueilles de iour & combien que dormir des le point du iour iusque a huit ou neuf heures du matin ne soit du tout salubre toutes fois, si est il plus profitable que de dormir au reste du iour, & si lon ne dort de iour ni de nuit est perilleux, & signe de grosse douleur de folie & alienation de sens raison & denattement presente ou future.

De vuider le ventre & matiere fecale.

Quant a la maniere de deoner le uentre & aller de superfluites & excrementz la meilleure est quant en maladie le personnaige ensuit la costume & heure quil auoit en sante & precipuement selon la quantite & qualite des uiandes preprinsees. Car de tant plus y a dissonance & difference dauant est pire. La naturelle egestion ne doibt estre trop liquide ni aduste. Mais liee & proportionee en couleur des uiandes, & que le patient egere & asselle sans peine & sans douleur. Et si la matiere est liquide nest du tout a blasmer quant uient sans grosse uetosite & sans impetuosite & non souuent en peu dheure : Car rendroit la personne lasse debile fachee & en danger de cheoir en syncope & deffault. Item sur la fin de la maladie est louable que

GAL.
Lexpulsion
de vers nest
louable, Si
nest par cre-
tication &
avec la ma-
tiere fecale.

legestion & matiere fecale deuiegne effesse non trop seiche & de bone couleur comme tirant sur roux brun & ne soit fort puante. Si aussi sortent uers sur la fin du mal nest que bon signe avec la matiere. Item en toute maladie doibt estre le uentre charnu & non roide ni plain de uent

loppo

Lepposite n'est bon signe. Davantaige lesgestion & matiere fecale liquide & aqueuse blanche ou pallide ou grandement rousse & spumeuse dangereuse. La mortelle est noire & liuide ou uerte puante & uisqueuse. Et si elle est de plusieurs couleurs ensemble des predites n'est moings d'agereuse mais plus loingteime. Aussi ou yl sont comme racleures de boyaulx ou caruncules & pellicules, toutes telles mortelles.

Du vent intestinal & vterin.

LA uentosite enclose au uentre sortant doucement & uoluntairement sans mener bruyt ne son, & sans restraindre le bas & pertuis infernal, est la meilleure & plus salubre. Celluy uent qui avec son uoluntairement sort, uault mieulx que le retenir. Mais si sort avec son & bruyt malgre le personaige, signifie doucur & tortion au uentre, ou alienation & permixtion de raison.

G A L.
Car cest signe q' ny a gueres de ventosite l'autre signifie multitude & greffe ou vaporeuse vetosite.

De la ventosite causante inflation.

LEs douleurs recentes du uentre par inflation & tumour, & ny d'inflation ardeur ny chaleur sont resoluez & gueriez graillent brulant & menant bruit par le uentre signamment par benefice de uentre ou par expulsion de uent par bas ou par urine, ou que changent de place & descendent tout bas.

La iudicature de Lurine.

Lurine salubre en toute maladie doit auoir au fond residence blanche pineale ou pyramidale ayāt figure dune poire ou pomme de pin legiere & continue lors signifie breuite de maladie & de tant plus telle perseuere de tant plus est elle louable & seure. Et si aucunes foys & per aucuns iours en la maladie est telle & aucuns sans residence signifie proluxite de maladie & moins de securite. Et de tant plus que est distante a la premiere de tant elle est pire.

Lurine rouge ou trop roiff: avec semblable hypostase ou residence legiere & esgalle signifie la maladie plus longe. que la precedente ou ny a hypostase: mais moins dangereuse.

Item quat au fond de lurine sont resolutions grosses comme gruson brant: ou son est mauuais signe, & pire quant sont comme escaille de poissons: Lurine blanche & subtilite est tres mauuaise toutesfoys la predicte est pire ou sont grosses resolutions.

La nuee pendente en lurine signifie securite: si elle est blanche car la noire est dangereuse. Dauantaige lurine citrine tresclaire & trop subtile en maladie signifie diurnite de maladie & grosse indigestion & crudite. Parquoy est a craindre que le malade ne defaille auant que les humeurs uiegnent a parfaite concoction & que moure le patient.

Lurine de mort significatrice certaine & fidele: Est la puante & aqueuse & luteuse comme boue & fange & tancee brunt & la noire & espeffe.

Dauan

Dauantaige la noire tant en homme que femme est tres mauuaise: & la subtile est clere comme eau en petits enfans aussi letale.

Lurine crue & clere & indigete longuement telle perseuerant en maladie sans aultre mauuais signes mais bons & salubres denote apostume future plus bas que le diaphrague & costes.

Lurine ayant comme la toille de araigne supernatante signifie que le personaige mourra sec & ethique & liquefaction de tout son corps. Fault aussi considerer le lieu & couleur de la nuee, car si elle est pres du fond de lurine nest que bon signe ayant couleur tirant sur le blanc. Et si elle est supernatante & en hault & noire est dangereuse & infidele. Finalement quant au iugement des urines garde toy sur tout que tu ne soys deceu par la uecie: car par maladie dicelle peuuent telles apparoir. Et si la uecie nest malade assure sera ton iugement parquoy pense a ce.

G A L.
La noire nest mortel le quat par elle est le corps nesto yer comme en 4. fiere & mudificis de matiere ou uecie.

Du uomissement bon & mauuais.

Quant au uomissement le plus salubre & louable est mixtione et compose de flegme & colere non trop espes ni trop uisqueu ou superfluz. Le colerique seul, ou flegmatique seul est uituperable, le uomissement uert: liuide ou noir est trop plus dangereux. Et si il est mesle de uert liuide & noir ensemble, il est mortel.

Item sil est puant avec une des coulours prenomez signifie mort prochaine: car la puanteur en tout uo-

B 3 misse

missent est vitieuse & en tous excrementz.

De spuition & crachat.

Quant a spuition & crachat est dict louable en toute maladie pulmonique & soubz les costes. Quant uient es premiers iours & commencement de la maladie facilement sans grosse peine & labeur & en couleur rougeant ou mesle de sang & bien digeste non uisqueux. Et si tel nauient es premiers iours & puis que uiegne avec labeurieuse toux, nest bon signe. Aussi lors le rouge non mesle avec le salubre ou louable est pernicieux. La spuition blanche uisqueuse & globeuse est pernicieuse, mais la pure rouge pire. La uerte & spumeuse porte tesmoinage de dangereuse & mauuaise maladie. La noire sur toutes est mortelle.

Dauantaige quant la matiere que se doibt purger par spuition demeure sur le poulmon & par la multitude & plenitude empeche & moleste le gozier, nest chose seure.

Item la spuition clere & rouge ou sanguinolente en apostume & inflammation pulmonique uenant au commencement de la maladie es premiers iours promet securite & adiutoire au patient. Mais si telle eiection continue iusque au septiesme iour ou plus est suspecte & non seure.

Item toute spuition par la quelle la douleur ne cesse mais perseuere nest louable mais vitieuse. Et combien que la noire (comme au ons predict) soit mortelle toutesfoi

tesfois si la douleur cesse par icelle est moins dangereuse & plus salubre.

De sternuation seule & avec corize
dicte eumormire.

LA sternuation en toutes maladies aguez & autres quelques perilleuses quelles soyent (fors que du poulmon) & en quel temps que ce soit est louable & profitable. Mais avec le catarre & distillation par le nez en maladies pulmoniques soit quelle uiegne auant la maladie soit quant a quant est dangereuse.

G A L.
En maladie
pulmoniq
est mauuai
se sternut.
pource que
esmeut le
poumon gra
dement dot
est augmen
te le mal.

De Suppuration.

LA douleur predicte laquelle ne cesse par spuition ni par benefice de uentre ni par phlebotomie ni par medicine laxatiue ou par bon regime signifie que la postume uient a suppuration & matiere. Et quant la postume se rompt & purge (la spuition estant colerique) soit que la matiere de la postume uiegne avec la spuition, soit quelle sorte seulle cest chose pernicieuse signamment quant ce aduient & commence au septiesme iour ou apres & est a craindre que le patient ne meure le quatorziesme iours. Si ni suruient autres signes salubres & louables,

En toutes
autres signi
fies forte
vertu expul
sive & sa
lut.

Les signes de bon espoir & louables
en predictes maladies & aultres.

Quant le malade soustient uirilement le mal, si
alegrement & a son aise, a son aleine si faci-
lement & sans douleur aspire & respi-
re. Si ne sent aucune douleur, si sans
grosse difficulte crache, si remue tout le corps & tous
ses membres a son plaisir sans greuance ou facherie. Et
quil ny a chaleur exuperante ou superflue en luy sans
grosse soif ou alteration: dauantaige que lurine &
tous excrementz par tous cōduictz sont en dheue quā-
tite & qualite de louable couleur & substance comme
matiere fecale liee conioincte non trop dure mais cōme
en sante, la sueur uniuersale & tepide avec alluciation.
Item spuition facile & louable: le somme nocturnal
& ainsi des aultres cōme auons predict au long.

Les signes opposites de despoir.

Sil le mal est intollerable & importable douleur cha-
leur adurante soif extreme: toux continue rigueur
de membres aspiration languide, spuition fetide &
puante urine en petite quantite matiere fecale liuide li-
quide ou aqueuse & spumeuse & frequente sueur par-
ticuliere & froide sans repoux de iour ni de nuit: Les
mains piedz & front froidz se deiectant sça & la.
Et tous aultres signes mauuais prins en la face: par les
quelz tous ou plusieurs prenostiqueras la mort subite
ou tardiue sans pouuoir tombe en diffamation & des-
honneur

honneurs mais estre en grosse reputation & sublimite.

**Les signes du temps & iours de la rupture
des Apostumes.**

Avlcunes apostumes se rompent et persent le x x. iours. Les aultres different iusques a x l. iours, aultres attendent le l x. Parquoy pour bien presagier enquerras le premier iour & principe de la maladie assuoir quant a premierement sentu le patient chaleur & fiebure aussi rigueur ou horripilation & pesanteur & aussi la douleur & punction. Lors cemmenceras a compter les iours & par ce moyen pourras indubiamment prenostiquer.

Item prediras sil y a apostume en lung des costes ou aux deux par ce moyen. Interroge le patient si sent douleur & chaleur en lung plus que en lautre puis faiz que se couche sur le sain coste & si sent grauite & ponderosite sensuit que ledict coste ou est la ponderosite est apostume & la est la collection & saniositez et si sent au deux douleur chaleur et grauite sensuiroit les deux estre apostumez.

Tu cõgnoistras lapostume & collection estre meure & rompue et la matiere retenue au membre apostume. Quant la fiebure ne cesse & que de iour est moindre que de nuit & que le patient sue abundamment & ne cesse de tousir mais ne iette comme rien.

Item les yeulx luy parfõdent en la teste & a les ioues rouges & les ungles deuiegnent courbes & les sumites & extremités des doitz luy brulent & a perdu

l'appetit & les piedz enflent, & a quasi par tout le corps ueciez ou pustules ces signes se demonstrent quāt la saniosite & apostume est diurne & sont signes fideles de sante future. Pour donques prenostiquer si tost ou tard se rompra lapostume considere le deuant dict: car si des le commencement & premiers iours la toux presse le malade avec douleur & excreation frequente ou spuition avec difficulte d'aleine, iuge que lapostume se rompra dedans uingt iours.

Et si l'opposite aduient & que les signes soyent retardes sera prolongee la ruption. Et d'autant que les signes sont fort ou foibles de tant la ruption est acceleree ou retardee.

Et pour scauoir sil ya danger & peril ou probabilite de sante. Considera si au iour que lapostume est rompue la fiebure cesse & la soif & l'appetit reuient & que la matiere fecale est liee. Et la matiere de lapostume est blanche & molle esgalement & fors sans douleur & sans forte toux, ces choses cy sont signes fideles de sante.

A l'opposite quant la fiebure ne cesse ou tantost reuient avec grosse soif sans appetit & la matiere fecale aqueuse la spuition liuide uerte & spumeuse, & partin flegmatique pourras prenostiquer la mort. Et si aucuns bons signes aduiegnent & aultres mauuais compare les ungs aux aultres, & diligemment ruminer auant que prenostiques affin de uiter infamie. Car les ungs mourent tantost les aultres sont prolonges puis a la fin meurent, les aultres puis a la fin retournent a sante.

Des apo

Des Apostumes que viegnent vers les
aureilles en pulmonique
passion.

Quant survient apostume derrier ou soubz l'au-
reille au malade de peripleumonie & que la
dicte apostume uient a maturation &
se purge & engendre fistule saulue le
patient. Et pour prenostiquer quant ce aduendra.

Note ce qui sensuit: Quant en la dicte maladie la
fiebre continue & est permanente douleur & la spui-
tion impertinente & non louable & le uentre ne fait
son deuoir euacuent la colere ou liquide matiere.
Et lurine est en petite quantite avec abondante residē-
ce, mais tous aultres bons signes demonstrantz securite
sont presentz a lors prediras apostumes futures au pres
de loreille. Et uient la dicte apostumes soubz l'au-

reille signamment quant y a inflammation soubz
les costes & dyaphragme. Et si ny a au-

dict lieu inflammation ni douleurs

mais le patient a difficulte

daleme la quelle sans

cause manifeste

& de par

elle sen

ua:

lors lapostu-

me uient dessus laureille.

Des Pustules ou Apostumes que
viennent aux piedz.

EN uehementez & perilleuses peripleumoniez pour le profit & sante du patient suruegnent pustules & ueciez aux piedz & precipuement quāt tost est muec la spuition de rouge en blanc est tres certain signe de sante & que fort soy facilement: car par telle spuition la pustule & douleur cesse, mais si la spuition ne torne de rouge en blanc & que en lurime ne soit bõz ne & louable residence. Le patient sera en danger de deuenir boiteux par contraction de nerfz & ioincture ou est la dicte pustule & uecie dauantaige.

Si la dicte pustule ou petite apostume du pied se occulte & euanue ou que uoise & uiegne sans purgation ou maturation. Et que lapostume du coste dicte peripleumonie car est au poulmon, nest purgee par louable spuition & que la fiebure demeure le patient est en danger de perdre son entendement puis mourir: en oultre de predictes maladiez pulponiques ceulx qui approchent uielleffe non extreme (comme de cinquante ans) mourent plus souuent que les plus ieunes. Et les ieune gens mourent plus souuent daultre maniere de apostume. Dauantaige le personaige ayant grosse douleur plus bas que le lombril au uentre ou tirant sur la cuisse avec fiebure. Si la douleur laissant son lieu mote soubz les costes est fort dangereuse: car lors ung ou deux signes mauuais le iugent a mort. Mais si sont plusieurs bons comme spuition facile blanche & nõ puante est signe de euasion: La rouge est puäte mortelle, & sil

ny 4

ny a aucun mauuais signe y a esperance que le cas
uiendra a suppuration & sanation.

Des signes par la vecie.

LA durte & grosse douleur de la uecie est mortelle
signamment avec fiebure indeficiante. Et souuent
est avec constipation de uentre, parquoy est mortelle
sans remission. Mais si lurine est comme matiere dapo
stume avec residence blanche & pimeate & par ce la
douleur cesse y a espoir : mais si la douleur n'est
pacifree & la uecie mollifree et la fieure
ostee par telle urine iuge mort
proxime. Et ce aduient
plus aux enfans de
sept a quinze
ans : que a
aultres.

Cy finit la seconde particule des Presaiges
du Diuin Hyppocras.

Emanuel.

LE TIERS LIVRE OV
particule des Presaiges Preuisions ou pre-
nostiques du diuin & Maistre des
Medicins Hyppocras.

Et premierement des Fiebures.



A fin de la fiebure aduient a lung & ce a la mort a lautre a la vie en ung mesme iour. Et si elle est a la vie tous bons signes se demonstreront aux premiers iours par lesquelz prenostiqueras la fin au quatriesme iour ou deuat, & si la fiebure est a la mort tous mauuais signes donneront tesmoinage de la mort au quatriesme iour, ou auant. Le premier periode et iour de iudicature, ou de cretication & fin ou terme de la fiebure est (cōme auons dict) au quatriesme iour. Le second au septiesme le siziesme au uingtiesme. Lequel nombre par quaternaires se augmente & est produict iusques au uingtiesme en la fiebure & aultre maladie ague. Et ne se doit compter par quaternaires entiers, car lannee & mois ne peuuent estre comptes par nombre de iours completz & entiers comme en ceste computation faisons trois sepmaines de uingt iours qui est dict mois ou an lunaire.

Ainsi selon ceste computation & augmentation la
premiere

premiere sera le uingtiefme iour, la seconde le quarantiefme, le ties le soisantiefme iour. Et est assauoir que les maladiez croniques & de longue duree sont de plus difficile iudicature congnoissance & prenostique. Parquoy faut yl regarder de plus pres car leurs principes sont occultes ne demonstrent signes de digestion: Si ainsi specules de pres pourras prenostiquer a quelle fin paruiendra la fiebure.

Item la fiebure quarte obserue la matiere preditte en ses cretications & iudicatures ou sepmaines iudiciaires car ce que est fait aux aultres par nombre de iours en ceste ce fait par nombre de periodes et acces.

Les courtes & briefues maladiez sont de plus facile presaigne & congnoissance. Car tost & es premiers iours se changent de bien en mieulx ou de mal en piz: les salubres sont congneuz, par ce que le patient a bon ne & facile aleine & ne sent douleurs & dort de nuict & aultres telz signes salutaires les mortelles ou dangereuses lon congnoist, quant le patient a difficulte d'aleine grosse douleur & ne repose de nuict, avec aultres signes uitieux, par lesquelz lon prenostique la mort.

Afin donques de bien presagier considereras tous les signes de digestion le temps heures & iours que sont plus affliges les maladiez.

Et si suruient maladie aux femmes en leurs enfantement ou tost apres que seront accoucheez, commence de compter aux iours de l'enfantement, & non au iour que commence la fiebure.

G A L.
Ainsi q le
iiij. iour est
iudiciaire
du viij. en fie
bure conti-
nuez ainsi
est le iiij. pe
roides iudi-
ces du viij.

Item 4

G A L. Item a generalmente parler quant lon sent douleur
 uehement en la teste continue avec la fiebure si suruiet
 Par fois cō quelque mauuais signe avec les predictz cest signe de
 mence la fie mort : mais si la douleur & fiebure dure & perseuere
 bures deux iusque au uingtiesme iour tu pourras presagier flux de
 ou iij. iours apres l'efan tement : & sang par le nez ou apostume aux partiez inferieures du
 ceulx q cō- corps sil ny a aultre signe mortel. Aulcunesfois aussi des
 mēcent a cō le commencement ou es premiers iours aduient flux de
 pter lors fai sang par le nez ou apostume principalement quant la
 lent. Hyppo douleur est au front & partiez circunuoisines. Et est a
 cras na rien noter que ledict flux de sang plus souent aduient aux
 omis de cho gens sur leage de trente ans, ou trentecinq, & aux plus
 ses necessai- uelz apostume & collection.
 res a cretica
 tion.

Item quant en la fiebure continue le patient a grosse
 douleur & apostume en laurreille est dangereux signe
 car souuent le personaige pert son entendement &
 meurt. Et pource lon doit bien speculer les bons &
 mauuais signes des le principe & commencement de la
 maladie: car souuent dedans sept iours ieunes gens ma-
 lades de ceste maladie mourent, mais les ueulx ne mou-
 rent si tost: car en eulx ne peut estre la fiebure si ar-
 dente ni alienation desperit. Parquoy lapostume uient
 a maturation & supputation & sante mais si recidiuēt
 souuent mourent uelles gens. Et les ieunes mourent
 auant que lapostume de laurreille uiegne a maturation
 si non quant ce qui en sort est blanc & digeste avec
 aultres bons signes parquoy retournent a sante.

Item si en fiebure continue & ague maladie sur-
 uient ulceration de gozies ou gorges est tres perilleuse
 & mauuaise signamment quant suruiegne aultres
 signes

signes malins & mortels.

De la Quinance ou Quilance.

Toute maniere de quilance est perilleuse, car tue tost le personnaige precipuement quant ny a apparence d'apostume ou tumeur sur le col ni au gosier & que souffre angoiseuse douleur & ne peut aspirer ne respire ou auoir son aleine, lors tue le patient, au premier iour second tiers ou quart au plus tard.

Aussi celle ou apert au eminance & grosse rougeur ^{Gosier.} avec uehement douleur n'est moins dangereuse mais est plus tardive & loingtaine. Mais celle ou y a eminance & rougeur sur le col & au gosier & signammēt a la poitrine est plus tardive & moins dangereuse que les deux superieuses espesses. Et si elle ne se cache & remest au dedans est bon signe. Mais si la dicte quilance & tumeurs se mussent & non en iour de curation, & que ne se purge par dehors, ou par la bouche & spuition combien que se sente alleger le malade & sans grosse douleur est mauuais signe mortel, ou de recheute.

Est donques meilleurs signe & chose moins dangereuse, quant la tumeur & rougeur se demonstrent par dehors. Car si descend au poulmon est en dangers le patient de perdre son entendement, combien que aulcunes fois la dicte collection uiegne a suppuration matiere & purgation.

De Luuule Gargasson ou Garguette.

Cest chose dangereuse & mortelle de inciser & ouvrir luuule gargasson ou garguette enflée ou grosse & rouge, car ou elle se tourne en apostume & inflammation ou sensuit gros flux de sang. Pource que lon labore par aultre uoye de curer saner & guerir le patient. Et si lon ne peut & que soit liuide ou pasle & la partie superieure soyt petite & non tumide ou enflée mais la partie inferieure tumide & ronde sans danger la pourras inciser & ouvrir & ainsi guerir. Et si tu congnois que le patient ne soyt en danger de tomber en suffocation & mourir. Le principal sera de purger le uentre, si tu as l'opportunitè & temps de ce faire.

Retourne Hippocras a parler des Fieures.

Quant la fieure ague ne cesse ni donne repds au patient a lung ou plusieurs iours de cretication sans aultres bons signes pourras prenoſtiquer reci diuation & rancheute. Et en fieure longe avec signes salutaires comme quant le patient n'est moleſte par grosse douleur ni labour & ny a aultre cause manifeste pourras prenoſtiquer apostume & grosse inflammation aux ioinctures & parties inferieures & precipuement a ceulx qui ne passent trente ou trentecinq ans.

Toutes

Toutes fois peu souuent aduient ledict apostume dez dans le uingtiefme iour de la fiebure signamment aux plus ceges combien que la fiebure dure plus longuemēt, & est plus longe aux uieulx que ieunes. Coustumierement aussi aduient telle apostume en fiebures cōtinuez, & aussi les fiebures lesquelles ne tiegnent orde ni maniere dexes ou paroxisme dictez errabonde ou uagabundent assauoir affligeant deux ou trois fois, ou iours puis cessent autant, puis elle retournent sans tenir aucun ordre, souuent se transmuent en fiebures quartes signamment sur Automne. Et tout ainsi que plus souuent aduient la predicte apostume aux ieunes gens, aussi aux uieulx aduient la fiebure quarte. Et quāt a la nature des apostumes. Coustumierement adueignent plus en luer que aultres temps, mais sont plus diurnes & prolitez & moins retournent ou recidiuent.

Signes de uomissement en fiebures.

Quant il semble au febricitent que mouches uolent, & choses noires apparoiſſent deuant ses yeulx avec douleur de teste sans aultres signes mauuais ni mortelz, pourras presagier uomissement de colere citrine signamment quant le patient sent douleur a la bouche de lestomach ou orifice. Et si sent avec ce rigueur ou frison & froidure aux parties basses soubz les hyppocondres de tant plus sera accelere le uomissement. Et si le patient lors mangeue & prens refection yl uomira incontinent.

Et pour le plus apertement presagier quant la douleur de la teste moleste la personne des le premier iour de la fiebure & est augmentee, le quatriesme ou cinquiesme iour au septiesme finira la fiebure & sera guerie la personne. Et si la douleur commence le tiers iour & est augmentee, au cinquiesme ou septiesme la fiebure finira le neuuiesme ou unziiesme iour, & si la douleur commence le cinquiesme iour, avec urine conuenable & aultres bōs signes finira le quatoziiesme iour & ce aduiet tant en femmes que en hommes, & signāment en fiebures tierces a gents eagez de trente ans. Et aux plus ieunes en fiebures continuez & urayes tierces. Et quant en la fiebures avec douleur de teste ne apparoiſſent mouches ne choses noires, mais coruscātes & resplendissantes ou luisantes comme lampes & coruscation ou esclaire, & que le patient sent tortion & tumeur ou inflation soubz lung des costes en lieu de douleur de inflammation & de uomissement aura flux de sang par le nez, & ce aduiet precipuement aux ieunes gents soubz trente ans, & au plus uieulx plus souuent uomissement, & les ieunes enfāns iusques a sept ans par fiebures aguez tombent en spāsme signamment quant sont constipes & durs de uentre & ne dorment mais se espouentent & plorent & chāgent de couleur, maintenant en pasle tost en rouge ou uert liuide, mais ceulx qui passent sept ou huit ans peu souuent tombent en spāsme. Si ni suruiet quelque signe perilleux ou dangereux comme de phrenesie.

La conclu

La conclusion de tout le Liure.

OR donques pour finale cōclusion que le Medecin laboure de congnoistre les malades & maladies, aussi accidentz dicelles bons & salubres mauuais & mortelz tant en enfans ieunes que uieulx & en toutes infirmités signamment aguez affin de prenōmer a lung la uie & a l'autre la mort, aussi la breuite ou prolixite d'une chascune maladie, & les transmutions & aultres inconuenientz accumulans & congregent tous signes bons & mauuais & considerant & comparent les superieurs & inferieurs pouant prosterner ou sauuer le patient. Et ce tant par lurine matiere fecale spuitation sueur & aultres excrementz & superfluites sortantes du corps. Dauantaige soy exercite a considerer & speculer ou noter tant le temps des iours preteritz que presentz. Assauoir la uariation du temps par uētz froidure chaleur secheresse & humidite. Et condition de lan total & de ses quatre parties cest assauoir luer Este Automne & printemps. Car combien que toutes maladies peuuent aduenir en tous temps toutes fois les uignes plus specialement adueignent en lung des temps que en aultre, & aulcuns signes bons ou mauuais en ung iour ou heure que en aultre. Et affin que ne doute ou craigne de presagier & prenostiquer selon la doctrine & enseignementz prescriptz. Sache que auons ces choses cy experimente en Ethiopie ou Moretaine en Libie en Lisle de Delos en Esparie en Sithie brief en Orient Occident Midi & Septentrion. Et auons trouue

la uerite comme la uons escript, & pource ne te despere point mais prens courage, & te exercite a cōnoistre les choses dictes. Et facilement paruiendras a plus grāde cōgnoissance des signes que tu ne pense, et te esmerueilleras comment ces choses peuuent si bien quadrer & si urayement aduenir, & si bien ruminer mes documentz, finalement ne doubte que te suruiengnent aucunes maladiez des quelles tu ne doibue ne peuue auoir la congnoissance, & ce par lesdictz enseignements, Si bien les entens & signamment de celles qui obseruent iours d'afflixion & maniere de paroxisme, & qui se finent en certain nombre de iours & certaine espace comme auons dict. Si de pres tu ueulx speculer & prendre garde.

Gy finit le liure total, ou trois particules des
Presaiges preuisions & Prenostiques
du Diuin & maistre des Medie
cins Hippocras de Lisle
dicte Cos.

Imprime a Lyon par Pierre de sainte
Lucie dict le Prince.

